



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDXVII. Markgraf Friedrich von Brandenburg beurkundet nebst anderen
Fürsten, Grafen und Herrn, dabei gewesen zu seyn, als die Freischöffen zu
Sachsenhausen den Herzog Heinrich von Bayern von des ...

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

MDXVI. Die Markgräfin Elisabeth verabredet mit der Herzogin Kathrina von Mecklenburg-Schwerin eine Zusammenkunft in Perleberg um die Friedensstörer zur Verantwortung zu ziehen, am 21. October 1424.

Was wir lieb vnd guts vermugen zuoran. Hochgeborne furstin liebe Sweger! Als wir nechste vnsern lieben getrewen Gunthern von Czemen zu euch geschickt haben von manicherley uberfarung vnd beschedigung wegen, so vns vnd den vnsern von den ewren gescheen ist, dorauff ir vns bey demselben Gunther wider enboten habt, das ir darvmb gen vns oder vnserm Sone gerne zu einem tage gen Berleberg kumen vnd doselbsten vmb fulche uberfarung von den ewern, der ir dann mechtig gesein müget, helfen wollet, wes ir aber nicht mechtig wesen, darvmb wolt ir rats pflegen vnd haben: vnd ob wir ader vnse Sone also gen euch zu tagen kumen wollen, das sullen wir euch XIII tage vor zuwissen tun, zu fulcher tage ir auch meynt den von wenden zu bringen etc. das alles wir wol vernomen haben vnd thun ewer lieb zu wissen das wir von fulcher uberfarunge wegen gen euch czu tagen kumen wollen gen Berleberge auf den nechsten donrestag vor sante Merteins tag schirft künftig vnd den sachen nachgen, nach dem vnd der obgnante Gunther von Czemen von euch itzunt gescheiden ist: vnd mocht ir zu fulchem tage den von wenden vnd herczog heinrich auch verbotten vnd in fulcher zeit mit den ewern bestellen, das sie keynerley zugriffe zu vns noch zu den vnsern tun, deszgleichen wir mit den vnsern widervmb so wir beste mügen bestellen vnd das fruntlichen von euch verschulden wollen vnd begern hirauf ewer beschriben antwort. Datum Tangermunde, des Sunabens nach galli Anno XXIII.

Elizabeth Margreffin etc.

Nach dem Original.

MDXVII. Markgraf Friedrich von Brandenburg beurkundet nebst anderen Fürsten, Grafen und Herrn, dabei gewesen zu seyn, als die Freischöffen zu Sachsenhausen den Herzog Heinrich von Bayern von des Lörringers Anklage freigesprochen, am 14. Nov. 1424.

Wyr hinach geschreben von gotin gnaden ffrederich Margraue zu brandenburg und Burggraue zu Nürenberg, Ludewig lantgraue zu Hessen und wir heinrich Graue zu waldecke, frederich, Graue zu Bichelinge, Adolff Graue zu Glichen, Anarg herre zu waldenberg, vnd heinrich herre zu Schonenberg, Bekennen vnd thun kunt offentlichen besundern allen frienschessen der stillen hemelichen gerichte, als der hochgeborne fürste herczoge henrich palczgraue by Rin vnd herczoge in Beyern, von Kalper Torringer wegen, vur das hemeliche gerichte geladen vnd geheischet waz, vnd der selb hertzoge henrich, vff dissen hütigen tag sins rechten zu Saffinhufen vnder der linden in der Graueschaft zu waldeck gewartet hat, dar wir geinwartlich gewest sin, vnd wulde dar dem vorgeannten Torringer zu eren vnd zu rechte geantwort haben, vnd als

nu der selbir Torringer vor gericht nicht qwam, adir nymant von siner wegen, da wart der ergenannt herzog henrich mit orteiln vnd rechten, als dann der frienstule vnd heme-lichen gericht recht vnd gewonheit ist, von demselben Torringer gantz vnd gar qwyd, ledig vnd lois gesprochen, also das er dem benometen Torringer hinvor vor dem vnd andern gericht vmb alle zusprich vnd schuld, darvmb er en vorgelaiden vnd geheischet hette, nicht schuldig wer zu antworten, vnd das auch suliche des Torringer clage vnd ladunge dem ergenanten hertzen henriche, geyn yderman fürbalz ane schaiden sin sal: dann wer nu hinvor zu em zu sprechen hette, der sulle en dorvmb erfurdern und erwinnen als frier scheffen und der stule recht ist, des allis dem obgenanten hertzen henrich ey gerichtis breiff erteilt vnd ergeben wart, den wir vnd ander vile ritter vnd knechte eygentliche gehoret haben, vnd auch zu geczügene daryn geschreben sin. Zu orkund der warheit haben wir obgenante frederich Marggrau zu Brandenburg, Ludewig Lantgrau zu hessen vnd henrich Graue zu waldeck vnser Ingelegele an diez breiff gehalten, vnd wir die andern obgeschriben Bekennen des vnd verbinden vns vnder der obgenanten fürsten vnd heren Ingelegeln, wann wir vnser Ingelegele zu der czyt nicht by vns hatten. Datum tercia feria proxima post festum martini Episcopi, Anno domini Miliesimo quadingentesimo vicesimo quarto.

Nach Freih. v. Freyberg, Samml. histor. Schriften und Urf. Th. 1, S. 244 Nr. X. Dasselbst befinden sich auch mehrere sonstige Verhandlungen über den interessanten Wehngerichtsproceß Caspars des Torringer wider den Herzog.

MDXVIII. Liquidation der aus dem Lande Wenden in der Mark verübten Beschädigungen, vom Jahre 1424.

Dit is der schade, der vns Marggraf fridrichen von Brandenburg vnd den vnser gesehen is von Wilhelmen, fürsten to wenden vnd den seinen auß dem lande to wenden sint den friden, dy neghst zu Berlberg zwischen vns vnd allen nyderlendischen hern geteidingt worden ist, des nu vff Bartholomei schirft vir jar sin.

Hansen von Qwitzow schulde. Wylhelm, here to wenden, lyd nemen in der Pricnisse achte dage vor iohan baptiste, don men scerf na godes bort etc. in dem XXII iare, dar hy suluen mede vp dem velde was, syne man gemeynliken, besunderliken hinrich moltzan vnd gemeynliken dy borghere vt der stad parchem mede wern. To der suluen tyd nemen sy my vnd mynen armen luden to klentzendorpe IX hundert schap XL houede offen vnd koge X akker perde vnd XL swyn vnd branden dat dorp reyne aff vnd nemen plunderware, ketel, grapen alze dat dar was, zo dat ik den schaden, dy dar gesehen is an roue vnd an brande, ghewerdiget hebbe mid den armen luden vp dulent lub. mark. Item to der suluen tyd nemen sy meinen armen luden to rakentyn II schok offen vnd kuge XVI perde, VII hundert schap vnd II schok swine vnd branden my dar III houe aff vnd III spyker vp den kerkhoue vnd pucheden den kerkhoue vnd nemen meyn armen